



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<< 23 >> հոկտեմբերի 2018թ.

Ո Ր Ո Շ ՈՒ Մ No. 3853/19 Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյան քննարկելով <<Աշնադ>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<Աշնադ>> ՍՊԸ-ի (ՀՎՀՀ 02807372, հասցե՝ Կոտայքի մարզ, ք. Չարենցավան 2-րդ միկրոշրջան 2-րդ թաղ. 2/3, պետ. գրանցման համարը՝ 39.110.01602) չկատարված հարկային պարտավորությունը <27> սեպտեմբերի 2018թ.-ի դրությամբ կազմել է 9.837.651 դրամ, որից ապառք՝ 8.476.324 դրամ, տույժ՝ 731.327 դրամ, տուգանք՝ 630.000 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <28> սեպտեմբերի 2018թ.-ին հարկ վճարողը ՀՀ ինտերնետով ծանուցման պաշտոնական կայքի միջոցով պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 11.07.2018թ-ին և 03.10.2018թ-ին կայացվել են չկատարված հարկային պարտավորությունները գանձելու մասին թիվ 1608/19-Ա և թիվ 3503/19-Ա որոշումները: Թիվ 1608/19-Ա որոշման շրջանակներում վճարման ենթակա գումարը եկամտային հարկի տույժի գծով կազմում է 9.685 դրամ, ԱԱՀ-ի տույժի գծով կազմում է 22.607 դրամ, ակցիզային հարկի տույժի գծով կազմում է 169.525 դրամ, իսկ թիվ 3503/19-Ա որոշման շրջանակներում վճարման ենթակա գումարը եկամտային հարկի տույժի գծով կազմում է 15.045 դրամ, ԱԱՀ-ի գծով կազմում է 1.101.359 դրամ /ապառք՝ 920.181 դրամ, տույժ՝ 181.178 դրամ/, ակցիզային հարկի գծով կազմում է 3.020.009 դրամ /ապառք՝ 2.801.600 դրամ, տույժ՝ 218.409 դրամ/, շահութահարկի տույժի գծով կազմում է 10.254 դրամ:

Ընկերությանն հարկային պարտավորության 630.000 դրամը առաջադրվել է 21.03.2018թ-ի թիվ 4100461 և 10.07.2018թ-ի թիվ 4103315 ստուգման ակտերով, ինչը ենթակա չէ գանձման սույն որոշմամբ:

Ընկերության կողմից եկամտային հարկի գծով կատարվել է 155.365 դրամի չափով, ԱԱՀ-ի գծով կատարվել է 315.683 դրամի չափով, ակցիզային հարկի գծով կատարվել է 522.740 դրամի չափով և սոցիալական վճարի /ամսական/ գծով կատարվել է 6.206 դրամի չափով վճարումներ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 3.859.173 դրամ, որից՝

եկամտային հարկի գծով պարտավորությունը կազմում է 158.746 դրամ, որից ապառք՝ 155.135 դրամ, տույժ՝ 3.611 դրամ, որն առաջացել է 2018թ-ի օգոստոս ամսվա եկամտային հարկի և սոցիալական վճարի ամսական ամփոփ հաշվարկից և ՀՀ հարկային օրենսգրքի 401-րդ հոդվածով հաշվարկված տույժից,

ԱԱՀ-ի գծով պարտավորությունը կազմում է 1.038.616 դրամ, որից ապառք՝ 1.011.062 դրամ, տույժ՝ 27.554 դրամ, որն առաջացել է 2018թ-ի օգոստոս ամսվա հաշվարկից և ՀՀ հարկային օրենսգրքի 401-րդ հոդվածով հաշվարկված տույժից,

ակցիզային հարկի գծով պարտավորությունը կազմում է 2.426.875 դրամ, որից ապառք՝ 2.354.675 դրամ, տույժ՝ 72.200 դրամ, որն առաջացել է 2018թ-ի օգոստոս ամսվա հաշվարկից և ՀՀ հարկային օրենսգրքի 401-րդ հոդվածով հաշվարկված տույժից,

շահութահարկի գծով պարտավորությունը կազմում է 234.936 դրամ, որից ապառք՝ 233.709 դրամ, տույժ՝ 1.227 դրամ, որն առաջացել է 2018թ-ի 3-րդ եռամսյակի շահութահարկի կանխավճարից և ՀՀ հարկային օրենսգրքի 401-րդ հոդվածով հաշվարկված տույժից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն ՀՀ Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, ՀՀ հարկային ծառայության մասին>> ՀՀ օրենքի 4-րդ հոդվածի 9-րդ մասով և ՀՀ վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<Աշնադ>> ՍՊԸ-ից գանձել 3.859.173 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀՀ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ ՀՀ վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից հետո միայն օրենսդրական կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ

Ստացա որոշման օրինակը

Ա. ՄՆԱՑԱԿԱՆՅԱՆ